

ընդ նոսա: Եւ զկնքեալ թուղթն եղին յաանի, որ յէրէկն Գ իշխան գնացին¹⁾ ի խանն և ասացին. Կա՞յ ալ թուղթ աստի ի բաց, և Յակոբն ասէ՝ Չկայ: Եւ կնքեցին զթուղթն, և կարգացին զթուղթն և գրեալ էր թէ Փիլիպպոս Հոգևորատէրն եզ զՅովանէս վարդապետն ձեզ առաջնորդ, և թէ չէք կամիր, զո՞ք որ կամիք, ասացէք զի առաքեցից, և կարծեմ՝ թէ Գ տարին ձեզ առաջնորդ մի լաւ է, որպէս և Փռանկք ունին զայս սահման: Եւ ամենեքեան լուեալ՝ Բարի ասացին բանիս. եւ ասացին. Ահա՛յ Գ տարի եղեւ, թո՞ղ ելնէ գնայ, և զո՞ք որ մեք կամիմք, կու գրեմք առ Հոգևորատէրն: Մերայինքս զայս ասէին, եւ այն կողմ ջանային հաստատել Մուղնեցուն եւ անկան յիրեարս:

Եւ առաւօտուս Գշի (29 Յունուար) դաս քաշէ Մուղնեցին զԵղիազարեանք յԱստուածածին և Էսիլի թոռ և չարքն մեր սկսին յայս կոյս և յայն կոյս մեծաբանիլ թէ Եղիազարեանք բանադրեցան ի կաթողիկոսէն. եւ ամենայն աւուրս կանխեալ կային զՄուղնեցաւ և փարէին Դօզպէքձիսի Յակոբաւն: Եւ ամբաստանութեամբ Մուղնեցոյն եւ վկայութեամբ չարկամաց ի թուղթն հաւատացեալ²⁾ կաթողիկոսն եւ գրէ ոմանց Եղիազարեանց բանադրանս եւ հաստատութեան գիր առաջնորդութեան Մուղնեցոյն եւ առաքէ: Եւ յորժամ մեր կողմի թուղթն հասանէ առ կաթողիկոսն՝ յափշուծիւն առնէ գնայ եւ ասէ. Հա՛ս դու առաջ գնացողին եւ արգիլեա՛յ զթղթերս, որ գրեցաւ նախ: Եւ մեր թղթատարն հասանի ի Թոխաթ եւ դարձուցանէ մինչ յիջմիածին. ընդ առաջ ելանէ Յակոբս հանդերձ թղթիւս եւ զմեր թղթատարն լոկ դարձուցանէ, ալ գիր և պատասխանի առ Յակոբն մնայ, եւ

1) գնաց.

2) աւատացեալ.